



**KOMMUNALBESTYRELSIP
IMMIKKUT ITTUMIK ATAATSIMIINNERA
TALLIMANNORNEQ ULLOQ 13. FEBRUAR 2026 NAL. 10:00**

Peqataasut:

1. Gabrielsen, Lars Erik (S) borgmester
2. Napātók', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Jerimiassen, Aqqalu C. (A)
13. Kleemann, Knud (A)
14. Bro, Niels Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaaq: Nick Nielsen
Imaqarniliortoq: Pisortaaq
Immikkut peqataasut: Pisortaqatigiit
Nutserisut:
Ingerlannera: Teamsikkut

KOM	QULEQUTAQ	BILAG
ORI	Ilisimatitsissutit	~
002	Haalimi siulersuisunik toqqaaneq, Uummannaq	001
003	Inuussutissarsiornikkut isumasioqatigiinnissamik siunnersuut, Heidi Møller (D)	002
004	Visit Ilulissat ApS pilersaarutaanik saqqummiisitsinissaq, Ujuut Olsen (S)	003
005	Qimmeqarneq pillugu ileqqoreqqusamik nutaamik inaarutaasumik akuersissuteqarneq	004
006	Inunnik angallassissutit atorineqarnissaannut nalunaarutitut siunnersuummut tusarniaanermi akissut	005
007	Ilulissat nunataanni Nunatarsuarmut umimmaliisoqarnissaanik siunnersuut	006
008	Egalussuaajaanissamik siunnersuut	007
009	Aqutsivik Upernavimmi qassutit atorlugit qaleralinnik aalisarnermi februarip ammanissaanik siunnersuut, maj matullugu	008
010	Piitannguaq Alaufesen-ip neqeroorutaa	009
011	Ilulissani atuarfinni utoqqaat suleqataanissaannut siunnersuut	010
012	Qinikkani tunuarniutit naammaqqutissanillu qinersisarnermut akisussaaffiliineq	011
013	IMMAQA: Sinerissap qanittuani qassusersorluni ileqqoreqqusaq, Disko Bugt	012

Aaliangiineq:

--

Ilisimatitsissutit:**Canadami angalanissaq**

Pilersaarutit naapertorlungit kommunalbestyrelsimi ilaasortat atorfilillu ataaseq Canadamut Arctic Winter Games-imut taassumalu avataatingut ikuallaaveeqqanik alakkarterinermi angalasussaapput. Allattoqarfimmi pittaanerutippapput atorfillit marluunissaat, atorfilik ataaseq arlaatingut ajutooraluarpat ilaasortat sullinneqarnissaata ingerlanissaa qulakkeerumallungu. Allattoqarfiup inassutingaa Allattoqarfimmi pisortaq peqataassasoq, Allattoqarfimmi pisortap ikuallaaviit tassanilu attaveqarneq massakkumut ingerlatereermangit taakkutaa pingaarnertut toqqammavilersuutaavoq inassuteqarnermi.

Canadami aatsitassarsiornermut isumasioqatingiinnermut peqataanissaq

Martsip aallartinnerani Canadami aatsitassarsiornermi isumasioqatingiinneq ingerlanneqartussaavoq, tassani nunatsinniit kommunit, Namminersorlutik Oqartussat inuutissarsiortullu ukiuni siuliini peqataasapput ukiormannalu Avannaata Kommunia peqataaniarpoq. Isumasioqatingiinnermi borgmesteri inuussutissarsiornermilu immikkoortortamiit atorfilik peqataassapput. Angalanerup siunertarivaa aatsitassarsiornerup iluani ilisimasat anginerulernissaat aatsitassarsiornermilu sullissisut qanimut suleqatingisinnaanerinik aqquutissiuksinissaq. Angalasussat februar naalerpat aallassapput.

Danmarkimi atuarfimmud pulaarnissaq

Borgmesterip atuarfiit ingerlanneqarnera annerusumik paasisaqarfingerusuppaa. Taamaattumik Københavnip eqqaani atuarfik annertuumik unammillingassaqartuq ajornartorsiuteqarsimasorlu, kisianni allanngornermik pittaanerulersitsilluni ingerlasimasoq alakkarneqassooq. Assersuutingalungu atuartut ingerlaqqinngittoortut suliniutingineqarsimapput, atuartut naalanngittut ulluinnarsiutaasimapput suliniarnermi allannguisoqarsimavoq il. il. suliniuteqarnermilu allaanerusumik atungaqartitsisoqalersimavoq. Nunatsinni atuarfiit annertuumik unammillingassaqarput, taamaattumik borgmesterip pingaartippaa atuarfiit taamatut ajornartorsiortut qanoq iliuseqarsimanerat paasisaqarfingissallungu. Angalanermi peqataassapput borgmesteri Piorsarsimassutsimut Atuartitaanermut Meeqqeriveqarnermullu Ataatsimiititaliami siulittasoq atorfillillu marluk tusangassiiartorlu. Angalanissaq naatsorsuutaavoq martsimi imaluunniit aprilimi ingerlanneqassasoq.

Aaliangiineq:

Sag nr.	Sammisag	Bilag nr.	001
KOM 002	Haalimi siulersuisussanik toqqaaneq, Uummannaq	Journal nr.	

Uteqqiineq:

Kommunalbestyrelsi atuunnermini Uummannami haalimi siulersuisuni marlunik ilaasortassanik toqqaasarpog, aammalu sinniisussat marluk, ileqoreqqusat malillugit. Suliami matumani kommunalbestyrelsip ilaasortassatut sinniisussatullu inassutigineqartut akuerissanerlugit isummerfigissavaat.

Suliap saqqummiunnera:

Uummannami haalip kommunimit tinguneqarnissaanut suliaq ingerlavoq. Taamaakkaluartoq timersortarfiup ittua, Johannes Mathiasenip, kissaatigaa taassumap piviusunngornissaata tungaanut siulersuisunik toqqaasoqassasoq. Kommunalbestyrelsi atuuffimmini marlunnik siulersuisunik issiatitaqartarpoq, kommunalbestyrelsillu ivertinneqareernerata kingorna nutaanik issiasussanik toqqaasoqartussaavoq. Ileqqusarsimavoq suleqatigiit borgmesteriutitaqartut ataatsimik toqqaasarnerat, illuatungiliuttullu assiganik ataatsimik toqqaasarsimallutik. 2024-mi kommunalbestyrelsi nutaanik ilaasortassanik toqqaammata, Allattoqarfimmiit Uummannami Innuttaasut Sullissiviani pisortaq ataavartumik ilaasortaasarnissaa siunniuppaat, tamannalu kommunalbestyrelsimi akuerineqarsimavoq. Aappiullugu suleqatigiit borgmesteriutitaqartut innersuussitinneqarnikuupput, tassanilu Sakio Fleischerip ingerlaqqinnissaa akuerineqarnikuulluni.

Iluarsiiinissamut siunnersuut – sammisanut tunngatillugu nalilersuineq

Allattoqarfimmiit Uummannami Innuttaasut Sullissiviani pisortaq ataavartumik ilaasortaasarnissaa siunniuppaat. Taamaattumik innersuunneqarpoq Uummannami Sullissivimmi pisortanngortoq:

- Aningaaq Fleischer, Innuttaasut Sullissiviani pisortaq

Uani pingaaruteqarpoq atorfik pineqarmat, taamaattumik Innuttaasunit Sullissivimmi ataavartumik atorfinittussaq siulersuisuni ilaasortaasalernissaa 2024-mi siunniunneqarnikuuvoq. Suliami matumani suleqatigiit borgmesteriutitaqartut, illuatungiliuttullu nammineerlutik innersuussisinaanissaat pissusissamisoortuusoq.

Uummannami Innuttaasut Sullissiviani pisortap tullersortaa (atorfik) paarlattaasussatut innersuunneqarpoq. Borgmesteriutitaqartut illuatungiliuttullu akornanni siunnersuussat iluanni sinniisussap aappaa nassaarineqassooq.

Ingerlariaqqinnissaq

Kommunalbestyrelsimi taaneqartut sulinertik maleruqqusat naapertorlungit ingerlatissuaat. Ataatsimiittarnerit pilersaarutit naapertorlungit ukiup ingerlanerani ingerlanneqartarput.

Aningaasaqarnermi kingunerisinnaasat:

Kommunip karsianut sunniuteqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Suliffeqarfiup imminut pigisup Uummannami Timersortarfiup malittarisassai april 2000-meersut

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliap aaliangnera:

*Allattoqarfiup Aningaasaqarnermi Ataatsimiititaliamut inassutigaa
Siunnersuutigineqartut akuerineqassasut isummerfigineqarlutillu*

Aaliangiineq:
Inassutigineqartut akuerineqarput.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussat:

Bilag 001-01: Johannes Mathiassenip allagaa
Bilag 001-02: Siulersuisut malittarisassaat, Uummannami timersortarfik

Aaliangiineq:

--

Sag nr.	Sammisag	Bilag nr.	002
KOM 003	Inuussutissarsiornikkut isumasioqatigiinnissamik siunnersuut, Heidi Møller (D)	Journal nr.	

Uteqqiineq:

Kommunalbestyrelsmi ilaasortaq Heidi Møller (D) siunnersuuteqarpoq Ilulissani mittarfissarsuup atuutilernerani inuussutissarsiornikkut aammalu innutaasunik katersuutitsilluni isumasioqatigiittarfissamik pingaartumik inuussutissarsiornerup iluani periarfissaasinnaasunik. Uani kommunalbestyrelsip isummerfigissavaa qulequtaq.

Suliap saqqummiunnera:

Kommunalbestyrelsimi ilaasortap Heidi Møller (D) siunnersuuteqarpoq Ilulissani mittarfissuartaarnissamut atatillugu inuussutissarsiuuteqarnikkut periarfissanik atorluannissamut isumasioqatigiittarfimmik peqartoqalernissaa. Siunertarineqartussatut allaaserineqarpoq, angallannikkut aqquserngit annertunerujussuanngorsinnaanerat, allamiunik amerlanerusunik nunaqqatitaartornissaq pisinnaanera, kulturikkut allannguutit pilersinnaanerat. Napparsimaveqarneq, kingutileriffeqarneq, pisiniarfeqarneq il.il. Siunniutaasinnaasut aammalu inuussutissarsiornikkut ineriartuutaasinnaasut anguniarlugit inuussutissarsiornikkut isumasioqatigiittarfimmik pilersitsisoqarnissaa uani anguniarneqarluni.

Iluarsiinissamut siunnersuut – sammisanut tunngatillugu nalilersuineq

Massakkumut Erhvervsråd uninngavoq, tamannalu ingerlatsivimmi ingerlaqqilernissaa siunertaralugu suliniuteqarnissaq aallartinneqassaaq, tassungalu atatillugu Kommuni suleqatigalugu ingerlanneqarsinnaalluni pingaartumik innuttaasunik akuutitsinikkut inuussutissarsiornikkut.

Ingerlariaqqinnissaq

Ukioq manna Erhvervsråd aallarnisaqqinnissaa iverteqqinniarneqassaaq, taamaasilluni qulaani taakkartorneqartut taputartuullugit isumasioqatigiittarnissat ingerlanneqartalersinnaassallutik, siunertaq siornatigut aamma eqqartorneqareernikuuvoq, sumilli peqquteqartumik piviusunngunngitsoortarsimalluni, tamannali naammassineqassaaq piffissami qanittumi.

Aningaasaqarnermi kingunerisinnaasat:

Aningaasatigut kinguneqassanngilaq siunertaq siunniunneqareernikuummat missingersuutitigut.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Inuussutissarsiornermut Ataatsimiititaliap aaliangnera:

*Allattoqarfiup Inuussutissarsiornermut Ataatsimiititaliamut inassutigaa
Siunertaq qulaani taakkartorneqartoq ingerlaqqissasoq isumasioqatigiittarfimmik pilersitsisoqarnissaa*

Aaliangiineq:
Inassutigineqartoq akuerineqarpoq.

Aningaasaqarnermi Ataatsimiititaliap aaliangnera:

*Inuussutissarsiornermut Ataatsimiititaliap Aningaasaqarnermut Ataatsimiititaliamut inassutigaa
Inuussutissarsiornermut Ataatsimiititaliap aaliangnera ilalerneqassasoq*

Aaliangiineq:
Erhvervsråd pilerseqqineqassaaq, tassuunalu ingerlanneqartassalluni pilersaarusiorneqassalluni.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag: 002-01: Siunnersuut

Aaliangiineq:

--

Sag nr.	Sammissaq	Bilag nr.	003
KOM 004	Visit Ilulissat ApS pilersaarutaanik saqqummiisitsinissaq, Ujuut Olsen (S)	Journal nr.	

Uteqqiineq:

Kommunalbestyrelsip ukioq 2025-mi septemberimi ataatsimiinnermini Visit Ilulissat ApS pilersippaa, siunertaralugu takornariaqarnikkut sullissineq avannaani pitsaasumik siammasissumillu taamatullu ineriartuutaasumik suliaqarfiussasoq. Tassunga atatillugu siulittaasoq Ujuut Olsen (S) siunnersuuteqarpoq, uanilu eqqartorneqassaaq kommunalbestyrelsimi.

Suliamik saqqummiussineq:

Visit Ilulissat ApS maanna siulersuisoqarluni ingerlatsissalluni pilersineqareerpoq, taamaattorli pisortassarsiorneq sulii ingerlanneqarluni. Naatsorsuutigineqarporlu qaammatip tulliani atorfinitsitsisoqarsinnaassasoq.

Kommunalbestyrelsimi ilaasortaq aammalu Takornariaqarnermut siulittaasoq Ujuut Olsen (S) kissaateqarpoq Kommunalbestyrelsip ileqqusumik ataatsimiinnissanut Ilulissani pisussami suliffeqarfik Visit Ilulissat ApS iluatsillugu killifinnik siunnerfinnillu taamatullu pisortanngortussaq ilisaritiutigalugu saqqummiussilaarumaartoq, taamatullu killiffigallartunik aamma ilisimatitsinikkut. Siulittaasup pingaartippaa ataavartumik killifinnik siunertanillu ilisimatitsiuarinissaq, pingaartumik takornariaqarnermut siuarsaanermi aammalu suliniutissanut pitsaasumik ingerlanneqarnissaat eqqarsaatigalugu.

Ingerlariaqqinnissaq

Aliangiunneqariarpat kingusinnerusuklut nalunaarutigineqassaaq piffissami sumilu pisussaajumaartoq, allattoqarfik peqatigalugu.

Aningaasaqarnermi kingunerisinnaasat:

Aningaasaqarnikkut kinguneqassanngilaq.

Inatsisitigut toqqammavigisat:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Takornariaqarnermut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Takornariaqarnermut Ataatsimiititaliap aaliangernera:

*Allattoqarfiup Takornariaqarnermut Ataatsimiititaliamut inassutigaa
Siunnersuut ilalerneqassasoq Kommunalbestyrelsimullu ingerlateqqinneqarluni*

Aaliangiineq:

Inassuteqaat akuerineqarpoq.
Kal Frederik Sandgreen (D) piumasarivaa Visit Ilulissat Kommunalbestyrelsimut saqqummiilerpat ilanngullugu pisortassarsiornermut suliaq qanoq ingerlanneqarsimanersoq saqqummiunneqassasoq.

Aningaasaqarnermi Ataatsimiititaliap aaliangnera:

*Takornariaqarnermut Ataatsimiititaliap Aningaasaqarnermut Ataatsimiititaliamut inassutigaa
Takornariaqarnermut Ataatsimiititaliap aaliangiussaa isummerfigeqqullugu*

Aaliangiineq:

Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Soqanngilaq.

Aaliangiineq:

--

Sag nr.	Sammissaq	Bilag nr.	004
KOM 005	Qimmeqarnej pillugu ileqqoreqqusamik nutaamik inaarutaasumik akuersissuteqarnej	Journal nr.	

Uteqqiineq:

Avannaata Kommunia qimmeqarnej pillugu ileqqoreqqusamik nutaamik siunnersuusiorluni suliaqarnikuuvoq. Qimmeqarnej pillugu ileqqoreqqusaq kommunimi qimminut 8.000 missaaniittunut attuumassuteqarpoq, Avannaata Kommunianilu qimmiutilinnut immikkut ittunik piumasaqaateqarluni. Qimmeqarnej pillugu ileqqoreqqusaq piffissami 10. oktober 2025-miit 7. december 2025-mut tamanut tusarniutigineqarnikuuvoq maannakkullu politikikkut inaarutaasumik akuersissutigineqarnissaanut innersuussutigineqarpoq.

Suliap saqqummiunneqarnera:

”Qimmit qimuttut kiisalu qimmeqarnej qitsuuteqarnerlu pillugit Inatsisartut inatsisaat” aamma ”Kommunit qimmit qitsuillu pillugit ileqqoreqqusaat pillugit Namminersornerullutik Oqartussat nalunaarutaat” tunngavialugit qimminut ileqqoreqqusamat siunnersuummik sanasoqarpoq. Qimmit pillugit ileqqoreqqusamat siunnersuut nutaq Naalakkersuisuni inatsisitigut misissoqqissaarneqarnikuuvoq, Teknikkimut ataatsimiititaliami suliarineqarnikuuvoq aamma tamatuma kingorna kikkunnut tamanut sapaatit akunnerini sisamani tusarniutigineqarnikuulluni. Tusarniaanermut akissutinik tigusaqartoqanngilaq. Qimmeqarnej pillugu ileqqoreqqusami Avannaata Kommuniani tamarmi qimmiutilinnut piumasaqaatit ersarissarneqarput; soorlu assersuutigalugu qungasequtinik aalajangersimasunik atueqqusaannginneq, qimmit pituttut aqqusinernut, inissiaqarfinnut, utoqqaat illuinut, paaqqinnittarfinnut il.il qanoq ungasitsiginissaannik piumasaqaatit, kiisalu qimminik angalaannartunik imaluunniit inuttaqanngitsunik toqutsinnginnermi piffissaliussat.

Ingerlariaqqinnissaq

Qimmeqarnej pillugu ileqqoreqqusaq inaarutaasumik Kommunalbestyrelsimiit akuersissutigineqarpat, ileqqoreqqusaq borgmesterimiit aamma pisortaanermit atsiorneqassaaq. Kommunini ileqqoreqqusanut malittarisassat naapertorlugit, qimmeqarnej pillugu ileqqoreqqusaq atsiugaq tamatuma kingorna naalakkersuisoqarfinnut oqartussaassuseqartumut atsiortinniarlugu nassiunneqassaaq, tamatumalu kingorna qimmeqarnej pillugu ileqqoreqqusaq saqqummiunneqassaaq atuutussanngortinneqarlunilu.

Aningaasaqarnikkut kinguneqaatissat:

Avannaata Kommunianut aningaasaqarnikkut kinguneqaatissaqanngilaq.

Inatsisitigut tunngavigisaq:

- Qimmit qimuttut kiisalu qimmeqarnej qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq.
- Kommunit qimmit qitsuillu pillugit ileqqoreqqusaat pillugit Namminersornerullutik Oqartussat nalunaarutaat nr. 15 ulloq 19. juni 2003-imeersoq

Suliamik isumanginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimut Ataatsimiititaliap aaliangnera:

*Allattoqarfiup Teknikkimut ataatsimiititaliamut inassutigaa:
qimmeqarnek pillugu ileqqoreqqusassatut siunnersuut nutaaq inaarutaasumik akuersissutigineqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliap aaliangnera:

*Teknikkimut Ataatsimiititaliap Aningaasaqarnermut Ataatsimiititalaimut inassutigaa
Teknikkimut Ataatsimiititaliap aaliangnera ilalerneqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussat:

Bilag 004-01: Avannaata Kommuniani qimmeqarnek pillugu ileqqoreqqusaq
Bilag 004-02: Kommunini ileqqoreqqusanut malittarisassat

Aaliangiineq:

--

Sag nr.	Sammissaq	Bilag nr.	005
KOM 006	Inunnik angallassissutit ator neqarnissaannut nalunaarutitut siunnersuummut tusarniaanermi akissut	Journal nr.	

Uteqqiineq:

Kommuni Kalaallit Nunaanni taxanik ingerlatsineq pillugu siumoortumik tusarniaanermik tigusaqarsimavoq. Tusarniaanermut akissuteqaatissaq Transportministeriamut nassiunneqartussaq politikikkut akuerineqarnissaa qinnutigineqarpoq.

Suliamik saqqummiussineq:

Kalaallit Nunaanni taxanik ingerlatsineq pillugu nalunaarusiassatut siunnersuut pillugu siumoortumik tusarniaassut kommunip tigusiavaa. Nalunaarusiami taxanik ingerlatitsisunut tunngaviummik piunasaqaatit aamma biilit ersarissumik taxatut ilisarnaateqarnissaat aalajangersarneqarpoq. Akuersissuteqarsinnaatitaaneq nalunaarusiaq malillugu kommunimut inissinneqarpoq, taamaattorli § 6 tunngavigalugu kommunit periarfissaqarput malittarisassanit atuinniginnissamik qinnuteqarsinnaallutik, qallunaat nunaanni qeqertaqqani aqqissuussinerit assigalugu. Periarfissap tamatuma qulakkeerpaa eqaatsumik aqqiisoqarsinnaanera aamma najukkani assigiinnigitsuni atorfissaqartitsinerit annertussutisillu assigiinnigissuteqarnerannik eqqumaffiginnilluni, taamaalilluni malittarisassat taamaallaat sumiiffinni iluaqutaasumik atuunnissaat periarfissillugu.

Aaqqiissutissatut siunnersuut – suliamik nalilersuineq

Allattoqarfik tusarniaanermi akissutissatut siunnersuusiorsimavoq oqaatsit ima ittut inerniliullugit: Tunngaviummik nalilerneqarpoq, inuussutissarsiutinik suliffeqarfinnik nakkutilliinissaq kommunit pingaarnertut suliasarinngikkaat.

Taamatut inuussutissarsiornermik ukkataqarneq allasimasutigut allasimanngitsutigulluunniit kommunit (kommuninut pisinnaatitsissut) isumagisassaattut takussutissaqanngilaq. Taamaattumik kommunit isumaqarput, taxanik ingerlatsineq pillugu nakkutilliinermi suliasat naalagaaffimmi oqartussaasunit, pisariaqartunik pisinnaasaqartunit isumalluutissaqartunillu, nakkutigineqarpata tulluarnepaajussasoq, pingaartumik Akileraartarnermut Aqutsisoqarfik eqqarsaatigalugu.

Kommunit ilanngullugu nalilerpaat, aqutsinermut periaasissaq killeqanngitsumik unammillerneq Nunatsinni pissutsinut eqaannerpaajussasoq, pisariinnerussasoq tulluarsaruminarnerussasorlu, taxat amerlassusissaannik killiliinani, tapertaliullugulu taxacentralit ulluinnarni ingerlatsinermut qitiusumillu minnerpaamik piunasaqaatinik akisussaaffilerlugit. Tamatumunnga atatillugu kommunit atuuffigissavaat, malittarisassanik akuersisarneq sinaakkutissanillu pingaarnerusunik aalajangersaasarneq, imaanngitsoq allaffissornikkut ingerlaavartumik nakkutilliisoqassasoq.

Kommunit ataatsimut isigalugu nalilerpaat, periaaseq siunnersuutigineqartoq taxaqarnermut ingerlalluarmut tunngaviulluarsinnaasoq, peqatigitillugulu inatsiseqarnikkut isumannaallisaaneq, akimut ersittumik aqqissuussineq inuiaqatigiillu soqutigisaannik aallussineq pillugit qulakkeerninnerussalluni.

Ingerlariaqqinnissaq

Ataatsimiititaliaq akuersippat sammissaq Aningaasaqarnermut ataatsimiititaliamut aamma Kommunalbestyrelsimut politikikkut suliarineqaaqqinnissaanut nassiunneqassaaq, tamatumalu kingorna tusarniaanermi akissuteqaat Transportministeriaqarfinnut nassiunneqassalluni.

Aningaasatigut kinguneqaatissat:

Soqanngilaq.

Inatsisitigut tunngavissat:

- Kalaallit Nunaanni aqqusinertigut angallannermut inatsit pillugu nalunaarut nr. 995, 26. oktobari 2009-meersoq

Suliamik isumanginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimut Ataatsimiititaliap aaliangiinera:

*Allattoqarfimmiit Teknikkimut ataatsimiititaliamut innersuussutigineqarpoq:
tusarniaanermi akissuteqaat akuereqqullugu sammisarlu Aningaasaqarnermut ataatsimiititaliamut
politikkikkut suliasanngortillugu ingerlateqqinneqassasoq*

Aaliangiineq
Akuerineqarpoq.

Aningaasaqarnermi Ataatsimiititaliap aaliangnera:

*Teknikkimut Ataatsimiititaliap Aningaasaqarnermut Ataatsimiititaliamut inassutigaa
Teknikkimut Ataatsimiititaliap aaliangiinera ilalerneqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussat:

Bilag 005-01: Nalunaarutissamut siunnersuut
Bilag 005-02: Tusarniaanermi akissuteqaatissatut siunnersuut

Aaliangiineq:

--

Sag nr.	Sammisag	Bilag. nr.	006
KOM 007	Ilulissat nunataanni Nunatarsuarmut umimmaliisoqarnissaanik siunnersuut	Journal nr.	

Uteqqiineq:

Naalakkersuisut nunaminertat umimmaqarfiusinnaasutut piukkunnaateqartunik umimmaliisinnaanermut piginnaatitaaffeqarput.

Suliap saqqummiunnera:

Ilulissat eqqaanni kangiani Nunatarsuarmi uummaliisoqarsinnaanerani borgmester siunnersuuteqarpoq piniartut umimmak siunissami iluaqutiginerulersinnaammassuk umimmaqarfimmik nutaamik pilersitsinikkut. Tamanna iluatsippat siunissami piniartut neqissaqarnikkut allatigullu umimmap atorluagassartaa iluaqutigissavaat.

Ilisimaneqarpoq umimmaat amerliartupallattartorujussuusut, tamannalu aamma misilittakkatigut takuneqarsinnaavoq ukiorpasuunngitsut 1989-imi avannaani Sigguup (Svartenhuk) nunataanut arfetuarsukkut niullugit umimmaliisoqarmat 30-it missaannik, maannakkullu taakku amerlasoorsuannngornikuupput umimmaqarfissuannngortumik neqissaqarnikkullu atorluarneqartumik. Periarfissap sukumiisumik misissuiffigalu suliamik Namminersorlutik Oqartussat aallartitsissasut saaffigineqassapput.

Aningaasaqarnermi kingunerisinnaasat:

Kommunemut aningaasatigut kinguneqassanngilaq.

Inatsisitigut tunngavigisat:

- Umimmaat piniagaanerat illersugaanerallu pillugit Namminersorlutik Oqartussat nalunaarutaat nr. 58 24.juli 2025-imeersoq.

Suliamik isumaginninneq:

Aaliasarnermut Piniarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aalisarnermut Piniarnermullu Ataatsimiititaliap aaliangiinera:

Allattoqarfiup Aalisarnermut Piniarnermullu Ataatsimiititaliamut inassutingaa Akuerineqassasooq

Aaliangiineq:

Siunnersuut tunngaviatigut amerlanerussuteqartunit taparserneqarpoq. Umimmaliisoqassappat kalluagassat aalisartut aqqutaat allallu isumannaatsuunissaat pillugu misissuilluartoqarnissaa piumasarineqarpoq, siunnersuut Aningaasaqarnermut Ataatsimiititaliamut ingerlateqqinneqarpoq.

Aningaasaqarnermi Ataatsimiititaliap aaliangnera:

*Aalisarnermut Piniarnermullu Ataatsimiititaliap Aningaasaqarnermut Ataatsimiititaliamut inassutigaa
Aalisarnermut Piniarnermullu aaliangiussaa isummerfigeqqullugu*

Aaliangiineq:

Inassutigineqartoq akuerineqarpoq. Suleqatigiit kissaatigaat Naternami Siggummilu umimmaat
amerlassusaanik kisitsisoqarnissaa.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalernerqassasoq

Ilanngussat:

Bilag 006-01: Nunap assinga "Nunatarsuaq"
Bilag 006-02: Siunnersuut 2.januar 2026 borgmester Lars Erik Gabrielsen

Aaliangiineq:

--

Sag nr.	Sammisag	Bilag. nr.	007
KOM 008	Egalussuaajaanissamik siunnersuut	Journal nr.	

Uteqqiineq

Innutaasunit allagaqartoqarnerata kingorna siulittaasoq isumaqatigalugu ningittagaarsiutinut saliisisarnermut aningaasaliissutinnaik atuinnissamik qinnuteqaat. Uani Ataatsimiititaliap isummerfigissavaa

Suliap saqqummiunnera:

Ukiut 20-it missaa siornatigut Kommunitoqqani egalussuaajaasarnert ingerlanneqartarput aalisartunut akornutaasarneri pissutiginerullugu. Egalussuup uummataa uppersaatingalugu Kommunemut akilersinneqassaaq rekvision atorlugu, uummataa ataaseq 100 kr. Taamatut aningaasanik immikkoortitaqartoqarnikuuvoq uumasupiluaanermik taallugit egalussuit teriarnissat tulukkallu. Uanili ajornartorsiut annertusisimavoq qalealinnik aalisarfinni tamani. Taamaalluni aalisartunut akornutaanerata annikillisarneqassalluni.

Aningaasaqarnermi kingunerisinnaasat:

Kommunemut aningaasatigut kinguneqassanngilaq.

Inatsisitigut tunngavigisat:

- Kommunip aqunneqarnerat pillugu inatsisartut inatsisaat nr. 29, 17. november 2017-meersoq
- Kommuunit Namminersorlutik Oqartussat missingersuutaat naatsorsuutaallu pillugit inatsisartut inatsisaat nr. 26, 28. november 2016-meersoq aammalu nr. 13, 1. december 2021-meersoq

Suliamik isumaginninneq:

Aaliasarnermut Piniarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aalisarnermut Piniarnermullu ataatsimiititaliap aaliangiinera:

*Allattoqarfiup Aalisarnermut Piniarnermullu Ataatsimiititaliamut inassutingaa
Aningaasaqarnermut Ataatsimiititaliamut ingerlateqqinneqassasoq*

Aaliangiineq:

Amerlanerussuteqartunit Aningaasaqarnermut Ataatsimiititaliamut ingerlateqqinneqarpoq, qulakkeermallugu immap naqqata saligaatsuutinnissaanut 2026-mut aningaasaliissutinit katillugit aqutsiviit taamasa katikkaani kr. 850.000-iusunit aqutsivik Ilulissat kr. 25.000-nik aqutsivik Uummannaq kr. 25.000-nik aqutsivik Upernavimmit kr. 25.000-nik aqutsivik Qaanaaq kr. 25.000-nik tassa katillugit kr. 100.000,- egalussuaajaanermut egalussuup ummataa ataaseq kr. 100-neqassasoq atuiffiussasut. Aqutsivinnit tamanit egalussuit katillugit 1000-nit amuneqarpata aalisartunut akornutaanerata millisinneqassammat.

Aningaasaqarnermi Ataatsimiititaliap aaliangnera:

*Aalisarnermut Piniarnermullu Ataatsimiititaliap Aningaasaqarnermut Ataatsimiititaliamut inassutigaa
Aalisarnermut Piniarnermullu Ataatsimiititaliap inassuteqaataa aaliangiiffigeqqullugu*

Aaliangiineq:

Inassutigineqartoq akuerineqanngilaq. Akigititassaq kr. 300,00-nut qaffanneqassasoq aammalu pulje-kuutaarnagit ingerlanneqarnissaat, piffinnilu ajornartorsiorfiusuni piumasarineqarmat, akigititanullu ilanngunneqassasut. Illuatungiliuttuniik piumasarineqarpoq ningittagaarsiutitut aningaasaliissutini kallaassanngitsut.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag 007-01: Eqlussuaajaanissamik siunnersuut 19. januar 2026

Aaliangiineq:

--

Sag nr.	Sammisag	Bilag. nr.	008
KOM 009	Aqutsivik Upernavimmi qassutit atorlugit qaleralinnik aalisarnermi februarip ammanissaanik siunnersuut, maj matullugu	Journal nr.	

Uteqqiineq:

Avannaata kommuniani ileqqoreqqusaq malillugu inuussutissarsiutingalugu qassutit atorlugit qaleralinniarnermi Aqutsivik Upernavimmi qaammatit atuiffiupput januar, marts, april, maj, november, december.

Suliap saqqummiunnera:

Silap pissusiata allanngoriartornerata sunniutaanut avannaani ersarissumik sikuuniartarnera kinguariartorpoq. Aammalu 2026-ip ukiuunera aallartinnera assut sikuniapiloorluni.

Malittarisassaq atuuttoq malillugu qassutit atorlugit qaleralinniarnermi kommunalbestyrel sikuniarnerani sikut saatersut akornutaappata qassutaarsiuteqarsinnaaneq pakkerniarlugu atuisunik tusarniaareerluni matusisinnaavoq.

Qaammatinik qassusersorfissamik ammaassinissamut siunnersuuteqartoqassappat Aalisarnermut Piniarnermut, Nunalerinermut Imminullu Pilersornermut Naalakkersuisoqarfik sanioqqunneqarsinnaanngilaq.

Aningaasaqarnermi kingunerisinnaasat:

Kommunemut akileraarutitigut isertitaqarneruffiusinnaavoq.

Inatsisitigut tunngavigisat:

- Upernaviup aqutsiveqarfiani inuussutissarsiutingalugu qassusersorluni aalisarnek pillugu Avannaata kommuniani ileqqoreqqusaq nr. 1 5.januar 2022.

Suliamik isumaginninneq:

Aaliasarnermut Piniarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Aalisarnermut Piniarnermullu Ataatsimiititaliap aaliangiinera:

*Allattoqarfiup Aalisarnermut Piniarnermullu Ataatsimiititaliamut inassutingaa
Aningaasaqarnermut Ataatsimiititaliamut ingerlateqqinneqassasoq*

Aaliangiineq:

Suliaq Aningaasaqarnermut Ataatsimiititaliamut ingerlateqqinneqarpoq.

Aningaasaqarnermi Ataatsimiititaliap aaliangnera:

*Aalisarnermut Piniarnermullu Ataatsimiititaliap Aningaasaqarnermut Ataatsimiititaliamut inassutigaa
Aalisarnermut Piniarnermullu Ataatsimiititaliap inassuteqaataa aaliangiiffiqeqqullugu*

Aaliangiineq:

Inassutigineqartoq akuerineqarpoq. Naalakkersuisoqarfimmut februarimi nikisitsisoqarsinnaanera pillugu saaffiginnittoqassaaq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalerneqassasoq

Ilanngussaq:

Bilag 008-01: Februarimi qaleralinnut qassusersornerup ammatinnissaanik siunnersuut.

Aaliangiineq:

--

Sag nr.	Sammissaq	Bilag. nr.	009
KOM 010	Piitannguaq Alaufesen-ip neqeroorutaa	Journal nr.	

Uteqqiineq:

Piitannguaq Alaufesen Avannaata Kommunianut juullilernerani neqeroorummik saqqummiussivoq, juullertinnangu isummerfigisassamik. Neqeroorutit tinguneqarsimasut ingerlatsivimmiit ilisimatitsissutigineqarput. Taanna sioqqullungu aamma allamik neqeroorusiorpoq. Uani suliami inoqarfiit orninneqartussat innersuunneqartut, neqeroorullu alla akuerineqassanersoq aaliangiiffigineqassooq.

Suliap saqqummiunnera:

Politikkikkut suliniutinut ilaavoq inoqarfinni tamani pinaversaartitsineri suliniutit annertunerulissasut. Ullumikkut inoqarfinni mikinerusuni saqqummiisartunik, aliikkusersuisartunilluunniit tikisitsinissaq unammillernartarpoq, pinaversaartitsineri aningaasaliissutit killeqarmata, nunaqarfinnilu aqutsisunut aningaasaliissutit nunaqarfinni aqutsisut qanoq atorineqassanersut aaliangiisarlutik. Angallanniarneq unammillernartarpoq, akisullunilu. Inoqarfiillu mikinerusut piffissami sivilunerusumi najorneqassappata akisusarluni.

Piitannguaq Alaufesen kommunimut neqeroorummik nassiussivoq.

Iluarsiiinissamut siunnersuut – sammisamut tunngatillugu nalilersuineq

Borgmesteri paaseqartingalungu suliap allattoqarfinni saqqummiunneqarpoq.

Piitannguaq kommunimut neqeroorummik nassiussivoq.

Piitannguaq Alaufesen najungarisap qimannangu perorsaasutut ilinniarsimasuuvuq. Quujasaarisartuunini ilisimaneqarlualissutigisimallungu.

Quujasaarisarnermi saniatingut inuunermut akersuuttariaqarnermut tunngasunik oqariartuutilinnik, iluaqutaasinnaasunilu suliqartarpoq, ilaatingut oqalungiartarluni.

Ullumikkut suliqarnermi akit atortakkani saqqummiuppai, aliikkusersuineq, oqalugiarnaq, meeqqat atuarfianni qinngasaarisarneq, nakkarsaasarnerlu pillugit saqqummiineq, pikkorissaaneq, inuttullu ineriartorneq. Novemberimilu kommunimut neqeroorusiorpoq inoqarfinnut ataatsimut neqeroorut aaliangersimasooq, ulluni qulini inuttut ineriartormik ingerlataqarnermik imaqartoq.

Juullilernerani neqeroorusioqqinnikuuvuq, novemberimi neqeroorummii annertunerusumik. Inoqarfinnullu tikinnissaq juullip kingorna ingerlanneqassasoq, juullinnginneranili akiliisoqalaareersimassasoq neqeroorutit tallimararterutaanik (20%).

Politikkikkut suliniutaasunut, inoqarfinni tamani pinaversaartitsineri annertunerusumik ingerlasoqalernissaanik siunertaqarnermi suliniut naapertuuppoq.

Ingerlatsivimmiit Piitannguup neqeroorutaa pittaasutut nalilerneqarpoq, ilaatingut tunngaviusumik perorsaasutut ilinniangaqarnera, nunatsinnilu najungaqarnera tunngavingalugit. Ilanngullungu ullut qulit najuussinnaanini neqeroorutigimmangu, ullunilu qulini ingerlassinnaasai assingiinnittuummata.

Naliginnaasumik taamatut nalituunik aningaasartalinnik suliqarnermi neqeroorusiortitsinerit ingerlanneqartarput, akikinnerlu, tunniussassarlu pittaasoq ujartorneqartarlutik. Uanili suliami borgmesterip suliakkiutigivaa Piitannguamiit juullilernerani neqeroorummik ingerlatsivik akuerisaqassasoq. Ingerlatsiviup inoqarfinnut pingasunut neqeroorut tinguaa. Pilersaarutaalluni Uummanaq, eqqaanilu inoqarfiit mikinerusut marluk tikinneqassasut.

Petra Linda Upernavimmeeqqammerpoq, eqqaanilu inoqarfiit mikinerusut arfinillit tikillungit. Arnannguaq Coaching Qaanaameeqqammerpoq. Ilulissallu tikinneqallattaasartuulluni. Taakkua toqqammavingalungit ingerlatsivimmiit inassutigineqarpoq Uummanaq, Qaarsut, Ukkusissallu tikinneqassasut.

Aasaq borgmesteri Uummannap eqqaani angalammat, aamma ataatsimiititaliaq ukiaq angalammat, oqariartuutigineqarpoq Qaarsuni Ukkusissanilu pinaversaartitsineri annertuumik pisariaqartitsisoqartoq.

Saniatigut neqeroorut siulleg novemberimi nassiunneqartoq, suli atuuppoq. Inoqarfiit amerlanerusut tikinneqarnissaat ataatsimiititaliamit kissaatigineqarpat, ingerlatsivik nunaqarfinni aqutsisunut paasiniaasinnaavoq, illoqarfiillu sinneri paasiniaaffingalugit neqeroorut tingorusunnaraat, kingorna ingerlatsivik nalilersueqqissinnaavoq inoqarfiit sorliit pisariaqartitsinersut, missingersuuteqarnersullu.

Ingerlariaqqinnissaq

Inoqarfiit tikinneqartussatut ingerlatsivimmiit innersuussat akuerineqarpata Piitannguuq inoqarfinnut pingasunut tikinnissaanut tunngasoq pillungu ingerlatsivimmiit Ummannami sullissivimmi pisortaq Piitannguarlu suleqatingalungit suliaq ingerlanneqassooq.

Piitannguuq neqeroorutaa suli atuuttoq akuerineqarpat ingerlatsivimmiit nunaqarfinni aqutsisut, peqqinneq sunngiffimmilu aqutsisut, atuarfiillu suleqatingalungit misissuisoqassooq.

Akuerineqanngippallu Piitannguaq ilisimatinneqassooq.

Aningaasaqarnermi kingunerisinnaasat:

Neqeroorutigineqarpoq inoqarfik ataaseq ulluni qulini najorlungu, aliikkusersuineq, oqalugiarneq, meeqqat atuarfianni "qinngasaarisarneq, nakkarsaasernerlu" pillugit saqqummiineq, pikkorissaaneq, inuttullu ineriartorneq ingerlallungit: kr. 50.000,00 Saniatigut angalaneq ineqarneq, pikkorissaaffissaqarnissaalu kommunip aningaasartuutingalungillu isumangissuai. Uanilu neqeroorummi juullertinnangu kr. 10.000,00 akilerneqareersimassooq. Juullillu kingorna inoqarfik orninneqarpat 40.000,00 akilerneqarlutik.

Neqeroorut inoqarfinnut pingasunut akuerineqarmat Piitannguumut kr. 30.000,00 ikineqareerput. Inoqarfiillu pingasut tikippangit naleqassooq kr. 120.000,00 Saniatingut angalanera ineqarnera, inillu pikkorissaaffissai. Assersuutingalungu Ummannamut, Qaarsunut, Ukkusissanullu angalanera ineqarneralu ullumikkut akit malillungit kr. 41.609,00 missaanni naleqassooq. Inilli pikkorissaaffissat kommunip illuutaasa atornerisingut immikkut annertunerusumik aningaasartuuteqanngikkaluarluni aqqiisoqarsinnaassalluni.

Taamaalilluni Piitannguuq Ummannami eqqaanilu katillugit inoqarfiit pingasut tikissappangit katillugit naleqassooq: **kr. 194.609,00**

Taakkuupput akuerineqareersut. Ummannamininnissaanut, ummannami peqqinneq sunngiffimmilu pinaversaartitsinerlut missingersuutaareersut, najukkamilu ataatsimiititaliamiit 10% tunniunneqartatut aningaasartai atorineqassapput. Qaarsuni Ukkusissanilu angalanissai borgmesterip kontoaniit akilerneqassapput. Saniatingulli nunaqarfinni aqutsisut qinnuteqarfigineqassallutik.

Neqeroorutaa suli atuuttoq inoqarfinnut ataatsimut kr. 70.000,00-mik naleqarpoq. Saniatingut angalaneq, ineqarneq, inillu pikkorissaaffissat kommunimiit isumagineqarlutik.

Tassani missingersuutaareersut iluini ingerlatsisoqassappat Ilulissat Upernavillu tikinneqarsinnaapput.

Peqqinneq sunngiffimmilu pinaversaartitsinerlut missingersuutaareersut, najukkamilu ataatsimiititaliamiit aningaasaliissutit 10%-ii atorlugit. Qaanaami aamma periarfissaavoq, ukiumulli aningaasaliissutit tamakkingajalluinnarlungit atorineqartussaassallutik. Inoqarfinnilu mikinerusuni tamani tikisinneqassappat nunaqarfinni aqutsisut aningaasaliisariaqassallutik.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Pisortat oqartussaaffigisaanni suliffeqarfiinilu nioqutissanik kiffartuussinillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq

Suliamik isumaginninneq:

Piorsarsimassutsimut, Atuartitaanermut, Meeqquveqarnermullu Ataatsimiititaliaq

Aningaasaqarnermut Ataatsimiititaliaq

Kommunalbestyrelsi

Piorsarsimassutsimut, Atuartitaanermut, Meeqquveqarnermullu Ataatsimiititaliap aaliangiinera:

Piorsarsimassutsimut, Atuartitaanermut Meeqquveqarnermullu Ingerlatsiviup Piorsarsimassutsimut, Atuartitaanermut, Meeqquveqarnermullu Ataatsimiititaliamut inassutingaa:

Juullilernerani Piitannguup neqeroorutaa atorlugu inoqarfiit pingasut tikinneqartussatut ingerlatsivimmiit innersuunneqartut Uummannaq, Ukkusissat Qaarsullu aningaasalersornissaat ilanngullungu ataatsimiititaliap akuerissangai

Aamma

Piitannguup neqeroorutaata inoqarfinni amerlanerusuni atorneqarnissaa akuerineqassanersoq ataatsimiititaliap aaliangiiffigissangaa

Aaliangiineq:

Inassuteqaat akuerineqarpoq, Piitannguaq Uummannamut, Ukkusissanut Qaarsunullu angalassasoq. Piitannguullu neqeroorutaa inoqarfinni amerlanerni atorneqarsinnaanera akuerinarpoq.

Aningaasaqarnermi Ataatsimiititaliap aaliangnera:

Piorsarsimassutsimut, Atuartitaanermut, Meeqquveqarnermullu Ataatsimiititaliap Aningaasaqarnermut Ataatsimiititaliamut inassutigaa

Piorsarsimassutsimut, Atuartitaanermut, Meeqquveqarnermullu Ataatsimiititaliap aaliangnera ilalerneqassasoq

Aaliangiineq:

Inassutigineqartoq akuerineqarpoq. Siunnersuutigineqarpoq nunaqarfinni siulersuisut aningaasaliissutaanni tapiisoqarsinnaanera ammaffigineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussat:

Bilag 009-01: Piitannguamiit neqeroorut siulleq
Bilag 009-02: Piitannguup juullilernerani neqeroorutaa

Aaliangiineq:

--

Sag nr.	Sammissaq	Bilag. nr.	010
KOM 011	Ilulissani atuarfinni utoqqaat suleqataanissaannut siunnersuut	Journal nr.	

Uteqqiineq:

Meeqqat unammillernartumik inissisimasut immikkullu pisariaqartitsisut amerliartorput. Borgmesterip siunnersuutingivaa utoqqaat utoqqalinersiaqalersimasut atuarfinni suleqatigineqassasut, atuartut akornanni eqqissisimanerullunilu toqqissisimanerulernissaq anguniarlungu.

Uani suliami aaliangiiffigineqassooq Ilulissani utoqqaat, atuarfinni suleqataanissaat akuerineqassanersoq.

Suliap saqqummiunnera:

Atuarfinni toqqissiviittoqarnera, isumaqatingiinnginnerit, attaveqarnerlu pittaannerusoq pisariaqartinneqarput. Ilulissani utoqqaat peqatigiiffiani ilaasortat ilaat neqeroorput pisinnaallutik, sunniuteqaqataarusullutillu.

Iluarsiiinissamut siunnersuut – sammisamut tunngatillugu nalilersuineq

Borgmesteri paaseqatingalungu allattoqarfimmiit suliaq ingerlanneqarpoq.

Borgmesterip Ilulissani utoqqaat peqatigiiffiat Uvaasoq aggersarsimavaa, atuarfinni marluusuni suleqatingerusullugit. Uvaasukkunniit inuit 7 nalunaarsimapput suleqataasinnaallutik. Atuarfinnut marluusunut avillutik.

Ilaatigut anitsiarfinni, atuartitsisunilluunniit amingaateqarnermi vikaritut atorneqartarsinnaallutik neqeroorput. Piffissap ingerlanerani sulineq ataavartumik atuarfinni pisortaasut nalilersussuaat, Uvaasukkunniit suleqataasut peqatingalungit. Naattorsuutaavoq utoqqaat peqataatinneqarnerisingut meeqqanut pittaasumik sunniuteqarsinnaassasoq, toqqissisimaffigisinnaasaminnik tulaavissaqalissammata. Ilinniartitsisunullu oqilisaqataasinnanaissata naattorsuutaalluni.

Ingerlatsivimmiit atuarfiit pisortaat peqatingalungit sinaakkutit sularineqassapput. Annerpaamik ullormut 4 tiimi sulisassapput. Pingasunngornikkut sulisassanngillat, peqatigiiffimminni ataatsimiittaramik sungiusartarlutillu. Suliartorunik allatulli vikaritut nipangersimasussaatitaanermut nassuiaanneqassapput atsiorlutillu. Eqqumaffissanik, malittarisassanillu nassuiaanneqarlutik.

Ingerlariaqqinnissaq

Utoqqaat atuarfinni suleqataanissaat akuerineqarpat akuerineqanngippalluunniit utoqqaat ilisimatinneqassapput. Akuerineqarpalli atuarfinni pisortaasut suleqatingalugit suliaq ingerlatsivimmiit pilersaarusiorneqassooq.

Aningaasaqarnermi kingunerisinnaasat:

Katillugit inuit 7 nalunaarnikuupput atuarfinni ikiuuttarsinnaallutik. Annerpaamik ullormut 4 tiimi tamarmik sulisassangunik. Pingasunngornikkut freertarlutik. Ukiup naanissaanut missingerneqarpoq naleqassasoq: kr. 125.000,00

Taakkua missingersuusiordermi ilanngunneqarnikuunngillat, akuerineqassappat tapiliusatus aningaasaliisoqartariaqassalluni.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqquqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqquveqarnermullu Ataatsimiititaliap aaliangiinera:

Piorsarsimassutsimut, Atuartitaanermut Meeqquveqarnermullu Ingerlatsiviup Piorsarsimassutsimut, Atuartitaanermut, Meeqquveqarnermullu Ataatsimiititaliamut inassutingaa:

Ilulissani utoqqaat atuarfinni ikiuuttalernissaat siunertaralungu suliniut akueriniarnerlungu aaliangiiffingissangaa, akuerineqassappallu tapiliussatut aningaasaliisoqarnissaa akuerissangaa

Aaliangiineq:

Suleqatigiit borgmesteriutitaqartut utoqqaat atuarfinni ikiuuttalernissaannut siunnersuut amerlanerussuteqarlutik akuerivaat.

Illuatungiliuttut utoqqaat atuarfinni ikiuuttalernissaannut siunnersuut akuerinngilaat. Kissaatingalungu meeqqat immikkut pisariaqartitsisut ilinniarsimasunik sullinneqassasut, pipallatamik aaqqiissusiortoqarani.

Aningaasaqarnermi Ataatsimiititaliap aaliangernera:

Piorsarsimassutsimut, Atuartitaanermut, Meeqquveqarnermullu Ataatsimiititaliap Aningaasaqarnermut Ataatsimiititaliamut inassutigaa

Piorsarsimassutsimut, Atuartitaanermut, Meeqquveqarnermullu Ataatsimiititaliap aaliangerna ilalerneqassasoq

Aaliangiineq:

Suleqatigiinni Borgmesteriutitaqartuni inassuteqaat akuerineqarpoq. Aningaasaliissutitut ilassutissatut qinnuteqaat Aningaasaqarnermut Ataatsimiititaliap konto-aniik akilerneqassaaq. Illuatungiliuttuniik piumasarineqarpoq Kommunalbestyrelsimut aaliangigassanngorlugu ingerlateqqinneqassasoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Bilag 010-01: Peqataaniarlutik nalunaartut

Aaliangiineq:

--

Sag nr.	Sammisag	Bilag nr.	011
KOM 012	Qinikkani tunuarniutit naammaqqutissanillu qinersisarnermut akisussaaffiliineq	Journal nr.	

Uteqqiineq:

Qiningaaffiup ingerlanerani arlaleriarluni tunuartaiaqalertoqartarpoq, amerlanertigut Nunaqarfinni Aqutsisut akornanni. Taamak pisoqaraangat naammaqqutissamik qinersisoqassanersoq apeqqut Kommunalbestyrelsimut ingerlatinneqartarpoq. Taamaattoqartillugu ataatsimiititaliat marluk aqqutigineqaqqaartarput, naggataagullu kommunalbestyrelsi immikkut ittumik aggersarneqartariaqalertarpoq. Tamanna pisariillisariniarlugu pisinnaatitsissummik Tamat Oqartussaaqataanerannut Inoqarfiillu Mikinerusut Ineriartortinneqarnerannut ataatsimiititaliamut tunineqarnissaa Allattoqarfimmiit innersuunneqarpoq. Tamannalu isummerfigineqassooq.

Suliap saqqummiunnera:

Ukiup qinersiviusup aallartinneraniit nunaqarfinni aqutsisut qinersiviit marluk assigiinngitsut tunuartaiaqalernermik nalaarsisimalerput. Taakkunani qineqqusaarnikut killeqartarmata, sinniisussaqanngikkaangat imaluunniit attaviittutut sassartuusimangaangat, naammaqqutissamik qinersititsineq (udfyldningsvalg) ingerlanneqartariaqalertarpoq. Nunaqarfinni siulersuisuni ilaasortaqaarneq sumiiffinni arlalinni unammillernartumiippoq, ataatsimik peertoqaraangat sinniisussaqarniarneq killeqarluni. Tamannalu kommunalbestyrelsimut aaliangiiffigineqartussatut inatsimmi allaqqasarpoq. Kommunalbestyrelsip pisinnaatitsissummik ataatsimiititalianut tunniussisinnaavoq, taamaattumillu pisariillisaanissaq anguniarlugu Tamat Oqartussaaqataanerannut Inoqarfiillu Mikinerusut Ineriartortinneqarnerannut Ataatsimiititaliaq pisinnaatitsissummik tunineqarnissaa innersuunneqarpoq.

Iluarsiiinissamut siunnersuut – sammisanut tunngatillugu nalilersuineq

Kommunit aqunneqarnerannut inatsisartut inatsisaat nr. 29, 17. Novembari 2017-imeersoq §41, imm. 3 naapertorlugu Nunaqarfinni Aqutsisunut qinerneqartussaaupput Kommunalbestyrelsinut, nunaqarfinni aqutsisunut, ilagiillu sinniisaannut qinersisarnerit pillugit Inatsisartut inatsisaat nr. 27., 28. Novembari 2016-imeersoq naapertorlugu.

Inatsimmi §67, takuuk §57 naapertorlugu kisimiilluni qinigassanngortittoq kattusseqateqarani qinigassanngortissimasoq imaluunniit partiimi ilaasortaq sinniisussaqanngittoq ilaasortaajunnaarpat naammaqqutissamik qinersineqassaaq, taaamaattoq §58 naapertorlugu kommunalbestyrelsip ilaasortaasa affaaniit amerlanerusut aaliangerpata, naammaqqutissamik qinersisoqassanngilaq. Qinersisoqassappat sumiiffinni tamani qinersititsineq pisartussaavoq, aammalu inuit partiilluunniit kikkuungaluartut sassarnissaminnut periarfissaqarput. Qinigaanerpaajusoq qinersisarnermut inatsit naapertorlugu naammaqqutitut ikkunneqassooq.

Aningaasaqarnermi kingunerisinnaasat:

Sinaakkutit iluanni suliata naammassineqartassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommunalbestyrelsinut, nunaqarfinni aqutsisunut, ilagiillu sinniisaannut qinersisarnerit pillugit Inatsisartut inatsisaat

Suliamik isumaginnineq:

Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap aaliangernera:

*Allattoqarfiup Tamat Oqartussaaqataanerannut Inoqarfiillu mikinerusut Ineriartortinneqarnissaanut
Ataatsimiititaliamut inassutigaa,
Tamat Oqartussaaqataanerannut Inoqarfiillu Mikinerusut Ineriartortinneqarnerannut Ataatsimiititaliaq
pisinnaatitsissummik tunineqassasoq.*

Aaliangiineq
Inassuteqaat akuerineqarpoq.

Aningaasaqarnermi Ataatsimiititaliap aaliangernera:

*Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap
Aningaasaqarnermut Ataatsimiititaliamut inassutigaa
Tamat Oqartussaaqataanerannut Inoqarfiillu mikinerusut Ineriartortinneqarnissaanut Ataatsimiititaliap
inassuteqaataa ilalerneqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussat:

Bilag 011-01: Nunaqarfinni Aqutsisut allattorsimaffiat
Bilag 011-02: Qinersinermut inatsit

Aaliangiineq:

--

Ataatsimiinneq naammassivoq nal.:

Atsiorfissaq:

Aqqalu C. Jerimiassen (A) _____

Kleemann, Knud (A) _____

Bro, Niels Erik (D) _____

Davidsen, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napātōk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____